

AGENDRE MIGU FAMAOKO YESU

MINGGU, 08 Maret 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
- SA** : Ya'ami banua niha Keriso ni'omasi'ö Zo'aya ya'ita Yesu Keriso. No tarugi migu Wanöör tödö Famakao Yesu ma'ökhö, ma'owai ami: Ya'ahowu !
- SATO** : Ya'ahowu !
- SA** : Ya faofao khömi Lowalangi...
- SATO** : Ya fao Khöu Geheha-Nia
- Fogaoni** :
- SA** : Da ta'owuawua'ö dödöda wangondrasi Yehowa, da ta'omusi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 24**

24. TASUNO LOWALANGI BA ZORUGO

Lala : Hewisa Ita ba Hewisa Dödö (No. 423)

do = c 4/4

MM = 76 - 84

1. Tasuno Lowalangi ba zorugo, same ' e haga ba gulidanö.
Samè si bongi awözi ma ' ökhö ba talu mbanua ya'wa danö.
No Iföfögö nasi segebua, Ifatumbu' ö ndru' u ba danö.
Oi te ' asogö fefu geu sowua, sinanö ba danö oi so manö.
2. Tasuno Lowalangi ba zorugo, same' e luu, ba'wa, ba döfi.
Samè si hombo ba dalu mbanua, ba sali'wa ba danö, ba nasi.
No te' asogö göi gurifö niha, fefu zoguna oi Ibönökhi.
Alai niha wa la' erogö Nama, me lawai oi fa' abölöra göi.

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

SA : Otahögö ndra'o ba ebua'ö dödö-U Khögu ! noa sa aomö-aomö ndra'o ba si numana ! HALELUYA.....

SA : **Manunö** : BZ. : 452

HALELUYA...HALELUYA...HALELUYA.....

SA : Mangandrö ita :
He Yehowa Lowalangi, Ama sahakhö tödö ba sebua fa'omasi, si no umbu howuhowu ba fa'auri. Itörö tödöma wamakao Zo'aya ya'aga Yesu Keriso, No Ölulu nono-U omasiö ba danga zokhö horö: te'o'aya, tefakao, teforöfa ba mate börö horöma. Fahaö ndra'aga, fa'aboto ba dödöma ngawalö horö si no mafalua. Abölö'ö ndra'aga wolawa fa'abölö nösi, ena'ö mo'ahonoa ndra'aga

ba wamalua somasi Nama, ba khö Zo'aya ya'aga Yesu Keriso ba ba Geheha Ni'amoni'ö, Yaduhu. (Mudadao zato)

3. MANUNÖ moroi ba Mbuku Zinunö Numero 219

219. NA NO HUMEDE KHÖU ZO' AYA 1

do = es 4/4

MM = 96 - 104

1. Na no humede khöu Zo ' ya, sahakhö tödö khömö.
Me no I ' ila wa te ' ala, ndra ' ugö ba horömö.
Na Isusugi dödömö, bohouni gamuatamö.
2. Ba böi so waminisa tödö, ba wangombakha horö.
Tunö, ba andrö wangatulö, khö Yesu, sangefa' ö.
Ba ogorofi horömö, falua wangesa dödö.

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura Yesaya 55:6-11

6. Mi'alui Yehowa, fatua i'oro'ö ia, mi'angaröfi li ia, fatua ahatö ia.
7. Sebua horö, ba yamuröi lalania andrö, ba si lö atulö ba yamuböhöli nikhoi dödönia, yamufuli ia khö Yehowa, ba ihakhösi tödö; ba khö Lowalangida, sangöhöna dania fame'e aefa horönia.
8. Me no imane Yehowa: Bö'ö gera'eragu ba bö'ö gera'erami, bö'ö lalami ba bö'ö lalagu.
9. Fa'alawa mbanua si yawa yawa danö wa'alawa lalagu moroi ba lalami, ba si manö wa'alawa gera'eragu, moroi ba gera'erami.
10. Hulö deu andrö, si otarai mbanua si yawa ba si lö mangawuli ba da'ö, — na lö nibasöinia tanö, fangatabö zinanö, na lö nibe'enia auri zinanö wangsogö tanömö ba wanaru ba balazo, ni'a —,
11. si manö daroma ligu andrö, si otarai mbawagu: lö mangawuli khögu lö boto, atö na no mofozu zomasido ibe'e ba na no ifalua ba nifa'ohe'ögu ya'ia!

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

do = g, 4/4

MM = 96 - 104

1. Misunosuno Zo 'aya, mi bè zumange-Nia.
Mi 'ebua ' ö döi-Nia, sotöi banua-Nia.
Me no Ikaoni göi ami, afu mitemawa'au ri, khö Yesu, Sangorifi.

5. FANGANDRÖ FANGEFA HORÖ

SA : Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Ama, Lowalangima sebua fa'omasi. Masuno ba ma'angaröfili Ndra'ugö

Yehowa. Möiga ma'ondrasi Ndra'ugö ba nahia ni'amoni'ö, ya'aga niha si no ra'io. Mafaduhu'ö wa tenga si nangea ndra'aga tanö föna-Mö, me no fahöna horö si no mafalua, he ba wehedema, era'era dödöma, awö gamuatama si lö faudu ba daroma Li-Mö. No ambö ndra'aga ba wangomasi'ö Ya'ugö soroi dödö. Asese olifu ndra'aga wangandrö saohagölö ba howuhowu-Mö si no matema, ba no arörö ndra'aga ba gisö'isö dödö ba guli danö andre. Si tekiko ndra'aga ba horöma. Andrö ha fa'ahakhö dödö Nama ni'andröma. Bologö dödö-U khöma ba be'e aefa khöma horöma.....

- SATO** : Mangandrö ba dödö zamösana föna Lowalangi.....1 irugi 2 meniti.
- SA** : Hakhösi dödö-U khöma Ama, ba be'e aefa khöma horöma andrö ma'afefu...Yaduhu.
- SATO** : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

- SA** : **Turia Wangefa horö** : "Si manö sa wa'omasi Lowalangi nösi gulidanö, no Ibe'e Nono-Nia andrö, si ha sambua, ena'ö lö tekiko dozi samati khö-Nia, ena'ö so khöra wa'auri si lö aetu. LAKHÖMI KHÖ LOWALANGI SI YAWA.....
- SATO** : Manunö:

450. BA FA'ATULÖ BA GULIDANÖ

do = d 4/4

MM = 74 – 84

1. Ba fa 'a tulö ba gulidanö ba niha ni'omasi 'ö andrö

(mudadao zato)

6. FOMBASO TAROMA LI LOWALANGI FÖNA HUHÜO (AB)

- : Da tafondrondrongo daroma Li Lowalangi, tehalö moroi ba zura **Heberai'ö 10:19-25**

19. Ba me no so khöda wa lö aiwö, ya'ami ira talifusö, ba we'amöi bakha ba ni'amoni'ö andrö, bõrö ndro Yesu andrö,
20. ni'amoni'önia khöda, lala si bohöu, lala ba wa'auri, sanörö ba'aba'a andrö, ya'ia nösinia andrö,
21. ba me no so khöda gere sebua, ba nomo Lowalangi andrö,
22. ba data'ondrasi, ya si ndröhu dödöda, ya'alösu lö mangiwa wamatida, ya'aefa dödö sanegu ya'ita, me no mutefe dödöda,
23. ba ena'ö nisasai nösida idanö sohahau; bõi taböhöli wamaduhu'ö tötönafö andrö, bõi mangiwa; lö'ö sa faröi zamabu'u andrö.
24. Ba datafaoma tafaigi nawöda, ba wamarou tödö ba wa'omasi andrö, ba ba mbuabua si sökhi.
25. Ba bõi taböhöli we'amöi ba migu khöda, si mane nifolaulau dánö bö'ö ösa, tafarou dödö nawöda, ba mendrua manö, me itugu mi'ila, ahatö mbawa andrö.

Ya'ahowu zamondrongo taroma li Lowalangi ba same'e ba dödö.

- SA+SATO** : Yaduhu

8. FASÖMBATA SA

: Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu, sifao fangowulo ame'ela Persembahan Kasih. Ba si föföna ua da tafondrongo Li Lowalangi me imane:

- ❖ Ba da'ö niwa'ögu: Na so zangatalisi tanömö, ba lö oya'oya ibasi, ba na so zi lö alimagö tanömö, ba oya göi ibasi dania. Ba balazi dödö zamösana; böi abu dödö, ba tenga niforege; si no aoha gölö fame'e, da'ö sa zomasi Lowalangi. (II Kor.9:6-7).

Tafa'ema wasömbata khö Lowalangi, manunö ita moroi ba Mbuku Zinunö
Numero 269

269. KERISO YESU FONDREGE ZI SÖKHI 1

do = es 4/4

MM = 96 – 104

1. Keriso Yesu, fondrege zi sökhi, ba fondrege zala'wa.
Ya khö-U dödögu, ba fa' aurigu, irugi ba gamozua.
2. He sökhi haga luo awö mba'wa, ba döfi ba mbanua.
Ba haga Yesu, zabölö sökhi, me ihagaini dödöda.
3. Fefu lakhömi, ba gulidanöda, lö ara ba no taya.
Lakhömi Yesu, zi lö tebulö irugi ba gamozua.
4. He na tasöndra wa' omasi niha, lö aro lö göi ara.
Ha fa' omasi Yesu Keriso, zi lö tebulö he ara.
5. Haga Zo' aya möi fangorifida, na tatema' ö ia.
I' oroma' ö zindruhu lala saekhu ba zorugo ya'wa.

SA :

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA'E ZUMANGE 1

do = d 4/4

MM = 62 – 68

Ira'alawe

1. Ya' e zu-ma-nge fa-sömbata, ma' o-he sumange Yehowa.
Iramatua
Reff
Ma'andrö khö-U fa-ho-wu'ö zu-mange ni 'o- hema khö-Mö
2. Ya'e zumange fasömbata mabe'e soroi ba dödöma.
Reff: Ma'andrö khö-U
3. Ya'e zumange fasömbata buala si'otarai Nama.
Reff: Ma'andrö khö-U
4. Ya'e zumange fasömbata, boto, noso, ba fa'aurima
Reff: Ma'andrö khö-U
5. Ya'e zumange fasömbata, lö irugi zomasi dödö-U.
Reff: Ma'andrö khö-U
6. Ya'e zumange fasömbata, ma'aohasi gölö Zo'aya.

Reff : Ma'andrö khö-U

FANGANDRÖ : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, bn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*) **Mudadao Zato**

9. KOOR/VOKAL GROUP

SA : Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group

- Koor Jemaat
- Kegiatan Komisi Bapak
- Kegiatan Sektor 3
- Kegiatan Koremda
-
-

10. MANUNÖ

SA : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

do = a, 4/4

MM = 76 – 82

- Uhonogö siba dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo 'ö.

11. HUHUAO SEBUA

SH : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.

- Fombaso taroma Li Lowalangi *I Nga'ötö / 1 Tawarikh 22:14-19 (Tuho ; Fame'e Tödö Fao Era-era ba Wangalui Yehowa / Mengarahkan Hati dan Jiwa untuk Mencari Tuhan.)*
- Fanuriaigö
- Nitanö ba dödö. *I Nga'ötö / 1 Tawarikh 22:19a (Ba mibe'e dödömi, ba era-era, ba wangalui Lowalangimi Yehowa. / Maka sekarng, arahkanlah hati dan jiwamu untuk mencari Tuhan, Allahmu.)*
- Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU²

do = es 4/4

MM = 96 - 104

- No mafondrondrongo li-U, Lowalangi So 'aya. Tanö ba dödöma ia, fa böi olifuga. Fahowu 'ö ia khöma, ena 'ö ohahau dödöma fefu. Heta ba dödö zi lö sökhi, ma'o 'ö niwa 'ö-U.

12. TUHO WAMATI

SA : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso fõna Lowalangi, muzizio ita fefu.....endronga lida

SA+SATO : ❖ Ya'ö mamati khö Lowalangi Ama si lö ambö fa'abölö, somböi banua si yawa awö danö.
 ❖ Ya'ö mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 ❖ Ya'ö mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

13. ANGOMBAKHATA BA MBANUA NIHA KERISO

SA : Da tafondrongo gangombakhata:.....

MANUNÖ

SA : Manunö ita moroi ba Mbuku Zinunö **numero: 299 ayati 1-2**

299. KHÖU YESU UBE' E DÖDÖ 1

do = e, 4/4

MM = 88 - 96

1. Khö-U Yesu ube ' e dödö ululu wa' aurigu
 Boto ba era ' eragu he lala döröwagu.
 Ha khö-U Yesu wa' aurigu sandrohu fekoligu.
 Ha khö-U Yesu wa' aurigu sandrohu fekoligu.
2. Uforege wohalöwö ba wolo' ö li-Nia.
 Ufaöga hörö dödögu ba wanuno Ya' ia.
Reff: Ha khö-U Yesu wa' aurigu....

14. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : FAMATENGE + HOWUHOWU :

Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :

- ❖ Ya mufahowu'ö ami/ita Lowalangi, Ya murorogö ami/ita
- ❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
- ❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

7

SATO : Manunö BZ.Numero 299 ayati 3
299. KHÖU YESU UBE' E DÖDÖ 1
do = e, 4/4
MM = 88 - 96
3. Me no sa u' o' ö Yesu uröi fefu horögu.
Ya' ia dötönafögu sangorifi nosogu.
Reff: Ha khö-U Yesu wa' aurigu....

SH : YA'AHOWU
SATO : YA'AHOWU